



Alver kommune
Postboks 4
5906 FREKHAUG

Saksbehandlar, innvalstelefon
Hege Brekke Hellesøe, 5557 2352
Eirik Brynjelsen, 5557 2170

Uttale - Høring - Alver - temaplan strategisk næringsplan

Vi viser til brev frå Alver kommune datert 19.12.2022. Saka gjeld høyring av temaplan Strategisk næringsplan (SNP). Frist for uttale er 20.02.2023.

Føremålet med planen er å presentere potensial og moglegheiter for ønska næringsutvikling. Planen skal tydeleggjere næringspolitikken og gi ei retning for det kommunale næringsarbeidet dei neste 12 åra. Planen bygger på samfunnsdelen til kommuneplanen, og inneheld ein analysedel, ein strategidel og ein handlingsdel.

Statsforvaltaren sine merknader

Alver kommune sitt framlegg til SNP ser ut til å inkludere landbruk og tilknytta næringar på ein særskild god og effektiv måte. SNP er basert på visjonen frå KPS (1.1), der mellom anna utvikling som biosfæreområde er eit sentralt punkt, noko som også får følgjer for landbruk, kulturlandskap og arealforvaltning, og vidare tar den utgangspunkt i mål og strategiar frå kommuneplanen (1.2). Landbruket er sikra medverknad ved bransjemessige innspelsmøter (1.4.).

Jordbruk og skogbruk er synleggjort i verdiskaping og sysselsetting i 2.1., på line med t.d. reiseliv og fornybar energi. Kommunen løfter fram nytting av UNESCO biosfærestatusen som ei hovudutfordring og eit potensielt fortrinn for berekraftig næringsutvikling (2.4.). Kompetanse og rekruttering i landbruket er ikkje særskilt nemnt.

Mellom utfordringane er det lista opp stor trong for nye areal til infrastruktur og berekraftig industri. Dette kunne med føremon vore problematisert i høve total arealbruk og nedbygging av natur og jordbruksareal, noko som absolutt vil vere utfordrande. Utfordringar for landbruk og skogbruk er prisverdig lista opp i eigen bolk, med fokus på utfordringar med bruksstruktur, klimaendringar, driftsnedlegging, attgroing/kulturlandskap, kompetanse- og utviklingsbehov og trong for vegar i skogbruket. Arealbehov og -problematikk er ikkje omtalt.

Alver peiker på den nære, regionale fritidsmarknaden som satsingsområde ved at «*Nærturistmarknaden har eit unytta potensial*». Dette kunne også med føremon vore kopla til biosfærestatusen. Potensialet ligg i utfart frå den store bergensmarknaden og det relativt store talet



på fritidsbustader i Alver (3.823, SSB) og dei tilknytte nabokommunane Austrheim, Fedje, Masfjorden, Modalen og Gulen (til saman 2.691, SSB). *Slik «utfartsrutetenking»* skjer langs nokre andre hovudutfartsruter i fylket, og Landhandleriene (landhandleriene.no) som tidlegare dreiv butikken på Sletta er kanskje det beste døme på systematisk tenking rundt dette. Planframlegget nemner også andre, viktige faktorar knytt til slik utvikling, som mangel på «fyrtårn»/trekkplaster og produktutvikling og samarbeid.

Under dei langsiktige satsingsområda (3.1.) har Landbruk og havbruk fått ein eigen bolk, som fungerer bra. Her ligg lett synlege mål om aktiv og utviklingsorientert landbruksnæring gjennom strategiar for: tilrettelegging for produksjon og aktiv drift, aktivt skogbruk, støtte utvikling av tilleggsnæring, og ikkje minst nytting av overskotsmassar til forbetring av jordbruksareal, der Alver er ein føregangskommune. Vi ser allereie aukande interesse for planfesting av jordbruksareal for mottak av massar til jordforbetring mellom andre kommunar i fylket. Den siste satsinga om sterk landbruksforvaltning framstår allereie som godt oppfylt i kommunen.

Handlingsdelen (4) nemner ein del gode innsatsområde og tiltak for dei første åra:

- bruke biosfærestatus i regional profilering, spesifikt mot grøn industri. Reiseliv, landbruk og tilknytt næring kunne med føremon også knyttast til biosfæreområdet.
- samarbeid med «Matbyen Bergen» er taktisk lurt, både pga kompetansen, nettverket og handlekrafta, men også grunna merksemd i bergens- og reiselivsmarknaden
- ungdomsskulestrategien for kunnskap om m.a. lokalt næringsliv og entreprenørskap bør også vere av interesse for landbruk og tilknytte næringar
- ambassadørnettverk for støtte og kompetanseoverføring i landbruksnæringa har potensiale for å skape resultat og engasjement ved å trekke vekslar på eksisterande lokale og regionale ressursar

Oppsummert finn Statsforvaltaren at Alver kommune si inkorporering av landbruksinteressene i Strategisk næringsplan som eit døme til etterfølging, med dei kommentarar og innspel som er gitt over.

Med helsing

Egil Hauge
seksjonsleiar

Hege Brekke Hellesø
seniorrådgjevar

Dokumentet er elektronisk godkjent

Kopi til:

Vestland fylkeskommune

Postboks 7900

5020

BERGEN